



অবিলম্বে প্রকাশের উদ্দেশ্যে: 7/24/2020

গভর্নর অ্যান্ড্রু এম. কুওমো

গভর্নর কুওমো ঘোষণা করেছেন যে মাল্টি-এজেন্সি টাস্ক ফোর্স COVID-19 লঙ্ঘনের জন্য প্রায় 1,100 বার এবং রেস্টুরেন্ট পরিদর্শন করেছে, যার ফলে এই সপ্তাহে ডজন খানেক অভিযোগ এবং দশটি লাইসেন্স স্থগিত করা হয়েছে।

সদ্য ঘোষিত টাস্ক ফোর্সের তদন্তকারীরা তিন দিনে 84টি লঙ্ঘন নথিভুক্ত করেছে

দশটি ব্যবসার লিকার লাইসেন্স এই সপ্তাহে স্থগিত করা হয়েছে, যার মধ্যে ছয়টি নতুন সাসপেনশন আজ ঘোষণা করা হয়েছে

SLA চার্জ বা তাৎক্ষণিক লিকার লাইসেন্স সাসপেনশনের সম্মুখীন বার এবং রেস্টুরেন্টের তালিকা [এখানে](#) পাওয়া যাবে

গভর্নর অ্যান্ড্রু এম. কুওমো আজ ঘোষণা করেছেন যে বার এবং রেস্টুরেন্টে করোনাভাইরাস সংক্রান্ত নিয়ম লঙ্ঘন প্রতিরোধে মাল্টি-এজেন্সি টাস্ক ফোর্স 21 জুলাই থেকে 23 জুলাইয়ের মধ্যে প্রায় 1,100টি কমপ্লয়েন্স চেক পরিচালনা করেছে যার মধ্যে 84টি প্রতিষ্ঠানে নিয়ম লঙ্ঘন পাওয়া গিয়েছে। টাস্ক ফোর্সের নেতৃত্বে আছেন স্টেট লিকার অথরিটির চেয়ারম্যান ভিনসেন্ট ব্র্যাডলি এবং স্টেট পুলিশের লেফটেন্যান্ট কর্নেল ডমিনিক চিউমেন্টো। COVID-19 বিধি লঙ্ঘন করা ব্যবসাগুলিকে প্রতি লঙ্ঘনের জন্য 10,000 মার্কিন ডলার পর্যন্ত জরিমানা দিতে হতে পারে, অন্যদিকে অত্যন্ত গুরুতর লঙ্ঘনের ফলে অবিলম্বে একটি বার বা রেস্টুরেন্টের লিকার লাইসেন্স স্থগিত করা হতে পারে। এই সপ্তাহে, SLA নিউ ইয়র্ক সিটি এবং লং আইল্যান্ডে দশটি প্রতিষ্ঠানের লিকার লাইসেন্স তাৎক্ষণিকভাবে স্থগিত করেছে- যার মধ্যে ব্রক্স, ম্যানহাটন এবং কুইন্সের ছয়টি আজ ঘোষণা করা হয়েছে।

"নিউ ইয়র্কবাসীরা এই ভাইরাসের বক্ররেখা সমতল করতে যা করেছে তাতে আমরা খুবই গর্বিত, কিন্তু আমাদের অগ্রগতি রক্ষা করতে হবে কারণ কেউ আবার তা করতে চায় না," **গভর্নর কুওমো বলেন।** "এজন্যই আমরা বার এবং রেস্টুরেন্ট লঙ্ঘন এবং এই প্রতিষ্ঠানগুলোর সামনে সমাবেশ পর্যবেক্ষণ করছি, যেহেতু আমরা বিশ্বাস করি যে এটি তরুণদের মাঝে ক্রমবর্ধমান সংক্রমণের হারের সাথে যুক্ত। আমরা স্টেট লিকার অথরিটি এবং স্টেট পুলিশকে দায়িত্ব দিয়েছি স্থানীয় সরকারগুলিকে আরো আক্রমণাত্মকভাবে আইন প্রয়োগে সাহায্য করার জন্য এবং তারা ঠিক তাই করেছে, গত রাতেই ডজন খানেক লঙ্ঘন পাওয়া গেছে।"

গত তিন দিন ধরে স্টেট পুলিশ এবং SLA এর নেতৃত্বে [সদ্য ঘোষিত টাস্ক ফোর্সের](#) তদন্তকারীরা রাজ্য জুড়ে 1,080 টি কমপ্ল্যেন্স চেক পরিচালনা করেছে। এ সময় তদন্তকারীরা 84টি লঙ্ঘন নথিভুক্ত করেন। মহামারী জরুরি অবস্থা শুরু হওয়ার পর থেকে, SLA স্টেটব্যাপী লাইসেন্সপ্রাপ্তদের বিরুদ্ধে 443টি অভিযোগ এনেছে এবং 33টি জরুরি আদেশ জারি করেছে, যা অবিলম্বে জনস্বাস্থ্য এবং নিরাপত্তা রক্ষার জন্য প্রতিষ্ঠান বন্ধ করে দিয়েছে। অভিযুক্ত লাইসেন্সধারী এবং তাৎক্ষণিক সাসপেনশন অর্ডার দেওয়া ব্যবসার একটি তালিকা [এখানে](#) পাওয়া যাবে।

এই সপ্তাহে স্টেট লিকার অথরিটি বোর্ড থেকে তাৎক্ষণিক সাসপেনশনের জরুরি আদেশের সম্মুখীন দশটি প্রতিষ্ঠানের মধ্যে রয়েছে:

24 জুলাই, 2020 তারিখে ব্রকসের 2241 ওয়াশিংটন অ্যাভিনিউতে অবস্থিত "অ্যাকুয়া"

22 শে জুলাই তারিখে চেয়ারম্যান ব্র্যাডলি ব্রকসে অ্যাকুয়ায় একটি কমপ্ল্যেন্স চেক পরিচালনা করেন এবং 12 জন পৃষ্ঠপোষককে ভবনের ভেতরে অ্যালকোহল পান করতে দেখেন- যা বর্তমানে নিউ ইয়র্ক সিটিতে অনুমোদিত নয়। উপরন্তু, রান্নাঘরের কর্মী এবং সার্ভারদের মুখাবরণ ছাড়া দেখা যায় এবং পৃষ্ঠপোষকরা বাড়ির ভেতরে এবং সামনে অবৈধভাবে হুকা ধূমপান করে।

23 জুলাই, 2020 তারিখে ম্যানহাটনের 372-376 ওয়েস্ট ব্রডওয়েতে অবস্থিত "সিপ্রিয়ানি ডাউনটাউন"

অসংখ্য অভিযোগের পর চেয়ারম্যান ব্র্যাডলি 21 শে জুলাই ম্যানহাটনে "সিপ্রিয়ানি ডাউনটাউন" এর কমপ্ল্যেন্স চেক পরিচালনা করেন। চেক চলাকালীন সময়ে তিনি 17 জন পৃষ্ঠপোষককে মদ্যপান করতে দেখেন এবং টেবিলের চারপাশে দাঁড়িয়ে থাকতে দেখেন, ব্যবসার সামনে কোন চেয়ার ছিল না, যাদের বেশিরভাগই মুখাবরণ ছাড়া ছিল। চেয়ারম্যান ভবনে প্রবেশ করেন এবং দেখেন যে বারের পিছনে একজন কর্মচারী কোন মুখাবরণ ছাড়াই ছিল এবং চারজন পৃষ্ঠপোষক গভর্নরের EO-এর সরাসরি লঙ্ঘন করে বারে অ্যালকোহলিক পানীয় কিনছে।

24 জুলাই, 2020 তারিখে জ্যাকসন হাইটসের 86-01 নর্দার্ন বুলেভার্ডে অবস্থিত "গুয়ারোস টাপাস বার লাউঞ্জ"

18 জুলাই সন্ধ্যায় SLA এর তদন্তকারীরা জ্যাকসন হাইটসের গুয়ারোর টাপাস বার লাউঞ্জের সামনে মুখাবরণ বা সামাজিক দূরত্ব বজায় রাখা ছাড়াই 20 জনেরও বেশি পৃষ্ঠপোষককে জড়ো হতে দেখেছেন। মধ্যরাতের কিছু আগে -- নিউ ইয়র্ক সিটির বাইরের সেবার জন্য রাত 11টার কারফিউ এর পরে-- SLA -এর তদন্তকারীরা একটি নাইটক্লাবের মত পরিবেশে 25 জনের বেশী পৃষ্ঠপোষককে খুঁজে বের করেছে, যেখানে জোরে মিউজিক বাজানো হচ্ছিল এবং পৃষ্ঠপোষকরা মুখাবরণ পরা ছিল না বা সামাজিক দূরত্ব বজায় রাখেনি। রেস্টুরেন্টটি একটি অননুমোদিত বাণিজ্যিক নাম ব্যবহার করছিল। উপরন্তু, NYPD রিপোর্ট করেছে যে এই লোকেশনটি 26 জুন এবং 30 জুন ও গভর্নরের EO লঙ্ঘন করে।

24 জুলাই, 2020 তারিখে ম্যানহাটনের 127 লুডলো স্ট্রিটে অবস্থিত "সেট এল.ই.এস"

23 শে জুলাই তারিখে চেয়ারম্যান ব্র্যাডলি ম্যানহাটনে "সেট এল.ই.এস" এর একটি কমপ্লয়েন্স চেক পরিচালনা করেন, যেখানে দেখা যায় যে আটজন পৃষ্ঠপোষক সরাসরি রেস্টুরেন্টের সামনে মদ্যপান করছেন এবং প্রায় 30 জন পৃষ্ঠপোষক ভবনের কাছে জড়ো হয়েছেন, সবগুলোই মুখাবরণ ছাড়া এবং সামাজিক দূরত্ব অনুশীলন করছেন না। প্রতিষ্ঠানটি একটি জানালা থেকে একটি স্পষ্ট আউটডোর, সেক্স-সার্ভিস বার পরিচালনা করছিল- ঠিক যে ধরনের সেবা নির্বাহী আদেশ এবং SLA বিধিনিষেধ অনুমোদন করে না।

23 জুলাই, 2020 তারিখে কুইন্সের 150-03 ক্রস বে বুলভার্ভে অবস্থিত "ক্যান্ডেলা"

16 জুলাই তারিখে, কুইন্সে "ক্যান্ডেলা" সম্পর্কে অসংখ্য অভিযোগের জবাবে SLA-এর তদন্তকারীরা একটি কমপ্লয়েন্স চেক পরিচালনা করে, এবং জোরে মিউজিক বাজাতে এবং সরাসরি ব্যবসার সামনে লোকজনকে নাচতে দেখা যায়। 17 জুলাই এবং 20 জুলাই তারিখে ফলোআপ পরিদর্শনের সময়, SLA-এর তদন্তকারীরা প্রাপ্তবয়স্কের বাইরে একজন ডিজেকে মিউজিক বাজাতে দেখেন, যা একটি নাইটক্লাবের মত পরিবেশ তৈরি করে, যেখানে পৃষ্ঠপোষকদের গুচ্ছ গুচ্ছ করে জড়ো হয়, এছাড়াও একজন বাউন্সার এবং ওয়েটস্টাফ মুখাবরণ ছাড়াই পৃষ্ঠপোষকদের সেবা প্রদান করে। পর্যবেক্ষণ করা আচরণ প্রতিবেশীদের কাছ থেকে পাওয়া অভিযোগের সাথে সামঞ্জস্যপূর্ণ ছিল। গত সপ্তাহে নিউ ইয়র্ক সিটির আউটডোর সেবার জন্য রাত 11টার কারফিউ ভঙ্গ করে লোকেশনটিকে সেবা দিতে দেখা যায়।

22 জুলাই, 2020 তারিখে জ্যাকসন হাইটসের 82-13 নর্দার্ন বুলভার্ভে অবস্থিত "লা পোলেরা কলোরাডা টু"

লা পোলেরা কলোরাডা টু এর নিয়ম অমান্য করা শুরু হয় 4ঠা মে, যখন NYPD কর্মকর্তারা রেস্টুরেন্টের ভেতরে পৃষ্ঠপোষকদের পান করতে দেখেন যারা ছত্রভঙ্গ হতে অস্বীকার করে। 17 জুন তারিখে, SLA লাইসেন্সধারীকে একটি NYPD রেফারেলের উপর ভিত্তি করে গভর্নরের EO লঙ্ঘনের অভিযোগে অভিযুক্ত করে যে নেশাগ্রস্ত পৃষ্ঠপোষকরা সরাসরি প্রতিষ্ঠানের সামনে মদ্যপান করছে। 26 শে জুন তারিখে, SLA-এর তদন্তকারীরা মুখাবরণ ছাড়া সার্ভার পর্যবেক্ষণ করে, পৃষ্ঠপোষকদের মদ্যপান এবং ব্যবসার সামনে জড়ো থাকা ছাড়াও, এবং 18 জুলাই- একাধিক অভিযোগ এবং একাধিক সতর্কবাণীর পর-- একজন SLA তদন্তকারী এই অবস্থানে ক্রমাগত অমান্য করতে দেখেছেন, এবং মুখাবরণ এবং সামাজিক দূরত্ব পালন ছাড়াই 25 জন পৃষ্ঠপোষককে জড়ো হতে দেখেন।

20 জুলাই, 2020 তারিখে অ্যাস্টোরিয়ার 32-16 স্টেইনওয়ে স্ট্রিটে "ব্লিক বার"

কুইন্সের অ্যাস্টোরিয়ার স্টেইনওয়ে স্ট্রিটের সবচেয়ে খারাপ অপরাধীদের মধ্যে ব্লিক বার অন্যতম, যেখানে বিপুল সংখ্যক লোক মদ্যপান এবং পার্টি করার জন্য জড়ো হয়েছে। জুন মাসে একাধিকবার জনতাকে বাইরে জড়ো হওয়া এবং পান করার অনুমতি দেওয়ার জন্য বারটিকে সতর্ক করা হয়েছে এবং SLA লঙ্ঘনের অভিযোগে অভিযুক্ত করা হয়েছে। গত 16 জুলাই এবং 18 জুলাই তারিখে গভর্নরের EO-এর সুস্পষ্ট লঙ্ঘনে তাদের আবার দেখা যায়, যার ফলে NYC শেরিফের অফিস আউটডোর সার্ভিসের উপর নিউ ইয়র্ক সিটি অফ ট্রান্সপোর্টেশন কর্তৃক জারি করা স্বগিতাদেশ জারি করে দেয়।

20 জুলাই, 2020 তারিখে মাসপেথের 55-60 60 তম স্ট্রিটে অবস্থিত "মাসপেথ পিংজা হাউস" আরেকটি পুনরাবৃত্তি করা অপরাধী, মাসপেথ পিংজাকে উদ্ধৃত করা হয়েছে এবং তার অবস্থানের বাইরে জড়ো হওয়া দাড়িয়ে থাকা পৃষ্ঠপোষকদের কাছে অ্যালকোহল পরিবেশন করার জন্য একাধিকবার সতর্ক করা হয়েছে। 10 এবং 19 জুলাই তারিখে, SLA তদন্তকারীরা এই ভবনটিকে অবৈধ ভাবে সেবা প্রদান করতে দেখেছে, যার মধ্যে রয়েছে রাত 11টার কারফিউ ভঙ্গ, সামাজিক দূরত্বের নিয়ম লঙ্ঘন করে অসংখ্য পৃষ্ঠপোষক দাঁড়িয়ে আছে, নাচছে এবং মদ্যপান করছে। তদন্তকারীরা এছাড়াও দেখেছেন যে সার্ভারদের কোন মুখাবরণ পরা নেই এবং পৃষ্ঠপোষকরা হুঙ্কা ধূমপান করছে, যা প্রতিষ্ঠানের লাইসেন্স লঙ্ঘন করে।

20 জুলাই, 2020 তারিখে অ্যাস্টোরিয়ার 27-35 21তম স্ট্রিটে অবস্থিত "এম.আই.এ মেড ইন অ্যাস্টোরিয়া"

অ্যাস্টোরিয়ার আরেকটি সমস্যাজনক অংশে, এম.আই.এ তে ডজন খানেক পৃষ্ঠপোষককে অ্যালকোহল পরিবেশন করতে দেখা গেছে যারা দাঁড়িয়ে ছিল, মদ্যপান করছিল এবং জড়ো হয়েছিল- খাবার খেতে বসার বদলে রাত 11টার NYC কারফিউ অতিক্রম করে বাইরের খাবারের জন্য জড়ো হয়েছিল। এর আগে গভর্নরের নির্বাহী আদেশ লঙ্ঘনের জন্য এম.আই.এ.কে উদ্ধৃত করা হয়েছিল এবং সতর্ক করা হয়েছিল।

20 জুলাই, 2020 তারিখে ডিয়ার পার্কের 3A স্যাক্সউড স্ট্রিটে অবস্থিত "সিক্রেটস জেন্টলম্যানস ক্লাব"

17 জুলাই, SLA এবং সাকফোক কাউন্টি পুলিশ ডিপার্টমেন্টের তদন্তকারীরা ডিয়ার পার্কে সিক্রেটস জেন্টলম্যানস ক্লাবের গোপন পরিদর্শন পরিচালনা করে। ডিটেইলটি দেখে যে দেখা ভবনের ভেতরে কর্মচারী এবং পৃষ্ঠপোষকরা মুখাবরণ পরা ছাড়াই রয়েছে, যার মধ্যে রয়েছে নর্তকীরা যারা একই মঞ্চ এবং পোল ভাগাভাগি করে পারফর্ম করছে ল্যাপ ড্যান্স প্রদান করছে যা গভর্নরের EO এবং SLA নির্দেশিকা লঙ্ঘন করে। যখন একজন SLA তদন্তকারী প্রতিষ্ঠানের মালিকের সাথে এই সমস্যাপূর্ণ আচরণ সম্পর্কে কথা বলেন, তখন তিনি দাবি করেন যে তিনি চলে যাওয়ার পর তার অজান্তেই এটা শুরু হয়েছে- তিনি জানতেন না যে তিনি ইতোমধ্যে আন্ডারকভার এজেন্টদের জন্য মদ কিনতে গিয়ে এবং নির্বাহী আদেশ লঙ্ঘন করে পার পেয়ে যাওয়া নিয়ে বড়াই করা অবস্থায় ভিডিও টেপে ধরা পড়েছেন।

23 শে জুলাই গভর্নর কুওমো রাজ্যজুড়ে রেস্টুরেন্ট এবং পানশালায় COVID-19 এর বিস্তার রোধে আইন লঙ্ঘনের বিরুদ্ধে ব্যবস্থা নেওয়ার জন্য একটি মাল্টি-এজেন্সি টাস্ক ফোর্স গঠনের ঘোষণা দেন। নিউ ইয়র্ক স্টেট পুলিশ এবং SLA এর চেয়ারম্যান ভিনসেন্ট ব্র্যাডলি এই প্রচেষ্টার নেতৃত্ব দেবেন, যা বিপজ্জনক সামাজিক দূরত্ব লঙ্ঘন হওয়ার সাথে সাথেই দ্রুত তদন্তকারীদের নিয়োগ করে নিয়মানুবর্তিতা প্রচেষ্টা বাড়ানো এবং পরিস্থিতি মোকাবেলার জন্য রিয়েল টাইম ডেটা ব্যবহার করবে। টাস্ক ফোর্সে স্বাস্থ্য দপ্তর, আর্থিক পরিষেবা দপ্তর, মোটর যানবাহন দপ্তর, কর ও অর্থ দপ্তর, নিউ ইয়র্ক স্টেট ইন্স্যুরেন্স ফান্ড এবং কৃষি ও বাজার দপ্তরের তদন্তকারীদের অন্তর্ভুক্ত করা হবে।

###

অতিরিক্ত তথ্য পেতে দেখুন www.governor.ny.gov
নিউইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)